



Agency for Development of Higher Education and Quality Assurance of Bosnia and Herzegovina

Broj: 05-33-1- 56 ~3 /20
Banja Luka, 17.05.2020. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Visoka škola CEPS – Centar za poslovne studije Kiseljak**, na osnovu prijedloga Ministarstva obrazovanja, nauke, kulture i sporta Srednjobosanskog kantona, direktor Agencije za razvoj visokog obrazovanja i osiguranje kvaliteta Bosne i Hercegovine donosi

R J E Š E N J E

**o imenovanju Komisije domaćih i međunarodnih stručnjaka
koji daju ocjenu i obavljaju reviziju kvaliteta i daju preporuke o akreditaciji
visokoškolske ustanove Visoka škola CEPS – Centar za poslovne studije Kiseljak**

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove visokoškolske ustanove **Visoka škola CEPS – Centar za poslovne studije Kiseljak** u sljedećem sastavu:
 - 1) *Prof. dr Lazo Roljić*, predstavnik akademske zajednice u BiH - predsjednik Komisije stručnjaka;
 - 2) *Prof. dr Arta Dodaj*, međunarodni stručnjak, član Komisije stručnjaka;
 - 3) *Nenad Marković*, predstavnik privrede i prakse, član Komisije stručnjaka;
 - 4) *Alem Hamzić*, student, član Komisije stručnjaka
2. Komisija stručnjaka iz tačke 1. u postupku akreditacije postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) kojima je uređen postupak akreditacije, kao i propisima Ministarstva obrazovanja, nauke, kulture i sporta Srednjobosanskog kantona, koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova i izvođenje studijskih programa, posebno onih koji se realiziraju „na daljinu“.
3. Komisija stručnjaka dužna je u roku od najduže 30 dana od posjete visokoškolskoj ustanovi sačiniti nezavisan Izvještaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih jezika u Bosni i Hercegovini i na

engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

4. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji.
5. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim se preciznije uređuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.
6. Rješenje stupa na snagu danom donošenja.

O b r a z l o ž e n j e

Ministarstvo obrazovanja, nauke, kulture i sporta Srednjobosanskog kantona, (u daljnjem tekstu: Ministarstvo SBK) dostavilo je dana 03.02.2020. godine Zahtjev za reakreditaciju visokoškolske ustanove visokoškolske ustanove **Visoka škola CEPS – Centar za poslovne studije Kiseljak** broj: 03-38-191/19 od 30.01.2020. godine u kojem je predloženo da Agencija za razvoj visokog obrazovanja i osiguranje kvaliteta Bosne i Hercegovine imenuje Komisiju stručnjaka koja će obaviti posjetu predmetnoj visokoškolskoj ustanovi i, na osnovu utvrđenog stanja, dati mišljenje o ishodu akreditacije predmetne visokoškolske ustanove. Zahtjev je sadržavao prijedlog od 12 stručnjaka i to: tri predstavnika akademske zajednice u BiH, tri predstavnika privrede i prakse, tri predstavnika međunarodnih stručnjaka i tri predstavnika studenata. Agencija je u skladu sa Instrukcijom o imenovanju Komisije stručnjaka, kontaktirala sve predložene stručnjake da su se dav student ajavila od kojih je jedan javio da je u međuvremenu diplomirao te time izgubio status studenta. Shodno tome, iz Agencije je od nadležnog ministarstva tražena dopunu stručnjaka za dva predstavnika iz reda studenata. Dana 15.05.2020. godine Agencija je od nadležnog ministarstva Srednjobosanskog kantona zaprimila Dopunu prijedloga za imenovanje komisije stručnjaka sa dva predstavnika studenata.

Cijeneći sadržaj podnesenog prijedloga broj: 03-38-191/19-2 od dana 27.01.2020. godine i dopune prijedloga 03-38-SI/20 od 15.05.2020. godine, a postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016. godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da dovoljan broj predloženih stručnjaka je dostavio dokaz o nepostojanju sukoba interesa s visokoškolskom ustanovom koja je predmet eksterne evaluacije, kao i dokaz o dostupnosti u narednom periodu u kojem se ima obaviti posjeta visokoškolskoj ustanovi i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove visokoškolske ustanove **Visoka škola CEPS – Centar za poslovne studije Kiseljak** dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojima se određuju minimalni standardi u području visokog obrazovanja u Bosni i Hercegovini

(u daljnjem tekstu: Odluka o normama) kojim je detaljnije regulisan način rada komisije stručnjaka i sadržaj Izvještaja o eksternoj evaluaciji.

Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj: 96/16), kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju uzimajući u obzir i utjecaj postojećih kvantitativno normiranih indikatora ljudskih i materijalno-tehničkih resursa ustanove na ispunjenost kriterija broj 5 i 6.

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Srednjobosanskog kantona koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova i izvođenje studijskih programa, posebno onih koji se realiziraju „na daljinu“.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.

Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka,
2. Ministarstvu SBK
3. Sektoru 05
4. arhivi



DIREKTOR

[Handwritten signature]
prof. dr. Enver Halilović



Agency for Development of Higher Education and Quality Assurance of Bosnia and Herzegovina

Broj: 05-33-1-56-11/20
Banja Luka, 19.10.2020. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Visoka škola „CEPS“- Centar za poslovne studije Kiseljak**, na osnovu prijedloga Ministarstva obrazovanja, nauke, mladih, kulture i sporta Srednjobosanskog kantona, direktor Agencije za razvoj visokog obrazovanja i osiguranje kvaliteta Bosne i Hercegovine donosi

**RJEŠENJE O IZMJENI RJEŠENJA
o imenovanju Komisije domaćih i međunarodnih stručnjaka
koji daju ocjenu i obavljaju reviziju kvaliteta i daju preporuke o akreditaciji
visokoškolske ustanove Visoka škola „CEPS“- Centar za poslovne studije Kiseljak**

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove (u daljem tekstu: Komisija stručnjaka) **Visoka škola „CEPS“- Centar za poslovne studije Kiseljak**, broj: 05-33-1-56-3/20 od 17.05.2020. godine, briše se kao član Komisije stručnjaka **Alem Hamzić**, predstavnik studenata umjesto kojeg se imenuje **Emir Bajramović**.
2. Rješenje stupa na snagu danom donošenja.

O b r a z l o ž e n j e

Agencija za razvoj visokog obrazovanja i osiguranje kvaliteta Bosne i Hercegovine je Rješenjem broj: 05-33-1-56-3/20 od 17.05.2020.godine imenovala Komisiju stručnjaka za akreditaciju visokoškolske ustanove **Visoka škola „CEPS“- Centar za poslovne studije Kiseljak** u sastavu:

- 1) Prof. dr Lazo Roljić, predstavnik akademske zajednice u BiH - predsjednik Komisije stručnjaka;
- 2) Prof. dr Arta Dodaj, međunarodni stručnjak, član Komisije stručnjaka;
- 3) Nenad Marković, predstavnik privrede i prakse, član Komisije stručnjaka;
- 4) Alem Hamzić, student, član Komisije stručnjaka

Tokom aktivnosti u vezi sa pripremom Komisije stručnjaka za posjetu visokoškolskoj ustanovi **Visoka škola „CEPS“- Centar za poslovne studije Kiseljak** član Komisije stručnjaka,

predstavnik kategorije student Alem Hamzić je putem e-maila informisao Agenciju da mu je u periodu pripreme za posjetu predmetnoj visokoškolskoj ustanovi zakazana odbrana diplomskog rada, čime prestaje biti u statusu studenta kako u predmetnom postupku tako i na Listi stručnjaka Agencije.

Agencija je Zahtjevima za dopunu Prijedloga za imenovanje člana Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove Visoka škola „CEPS-centar za poslovne studije“ Kiseljak, broj: 05-33-1-56-5/20 od 17.06.2020., 05-33-1-56-7/20 od 10.09.2020. i 05-33-1-56-9/20 od 06.10.2020.godine, tražila od pomenutog Ministarstva dostavljanje novog prijedloga stručnjaka iz kategorije student.

Na osnovu akata Ministarstva obrazovanja, nauke, mladih, kulture i sporta Srednjobosanskog kantona, broj: 03-38-SI/20 od dana 27.08.2020. godine, 03-38-191/19 od 22.09.2020.godine i 03-38-810/20 od 12.10.2020.godine, sa prijedlogom za imenovanje članova Komisije stručnjaka iz kategorije student, Agencija je izvršila potrebne provjere sukoba interesa i dostupnosti stručnjaka, te na temelju toga izabrala Emira Bajramovića kao zamjenu za Alema Hamzića.

U preostalom dijelu Rješenja broj: 05-33-1-56-3/20 od 17.05.2020. godine ostaje neizmijenjeno.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka,
2. Ministarstvu obrazovanja, nauke,
mladih, kulture i sporta SBK
- ③ Sektoru 05
4. arhivi

DIREKTOR


Prof. dr. Enver Halilović